

Zapisnik o saslušanju svjedoka

sastavljen dana 08.05.2002 godine kod istražnog sudije Ahmetović Hilmo

suda u Zenica u krivičnom predmetu protiv okrivljenog-e HAKANOVIĆ, EDIN

iz zbog krivičnog djela

iz člana 154.st.1.KZFBiH i dr.

PRISUTNI SU:

Istražni sudija,

Ahmetović Hilmo

Zapisničar,

Behlić Edbera

Saslušanju svjedoka prisustvuju i:

Javni tužilac

Branilac

Okrivljeni

Započeto u sati.

Svjedok je opomenut na dužnost da govori istinu, da ne smije ništa prešutjeti, a zatim je upozoren na posljedice davanja lažnog iskaza, kao i da nije dužan da odgovara na pojedina pitanja, ako je vjerovatno da bi time izložio sebe i svog bliskog srodnika teškoj sramoti, znatnoj materijalnoj šteti ili krivičnom gonjenju (član ZKP)

Na postavljena pitanja svjedok daje sljedeće odgovore:

- 1) Prezime i ime FRANJO BATINIĆ
- 2) Ime oca Ive
- 3) Zanimanje mehaničar,
- 4) Mjesto rođenja Zenica
- 5) Mjesto boravka Buisovača-
- 6) Godina starosti 1967.
- 7) Odnos sa okrivljenim i oštećenim okrivljeni poznat

Svjedok se upozorava da je dužan da o promjeni adrese ili boravišta obavijesti sud (član..... ZKP).

Poslije ovoga svjedok o samom predmetu iznosi sljedeće:

Franjo Batinić

2.

SVjedok propisno upozoren na govorenje istine, kao i posljedice davanja lažnog iskaza te na obavezu da ništa što mu je od istine poznato u ovom krivičnom predmetu pred ovim sudom ne smije prećutati, da nije dužan odgovarati na pitanja kojima bi sebe ili svog bliskog srodnika izložio teškoj sramoti, znatnoj materijalnoj šteti ili krivičnom gonjenju, da je o svakoj promjeni adrese prebivališta ili boravišta obavijestiti ovaj sud sve do okončanja krivičnog postupka u ovom krivičnom predmetu, nakon što je upoznat sa predmetom svjedočenja, izjavi slijedeće:

Franjo Batinić

Što se tiče događaja od 26.ol.1993.godine, u selu Dusina kod Zenice, od svega što se sjećam da sam noć prije tog događaja kao pripadnik HVO-a zatekao se u zaseoku Brdo u selu Dusina, znam da smo to veće prenočili u kući Perice Radoša. Sjećam se da smo tu bili ja Perica Radoš, Mijo Ljubičić sin Pere, zua kojeg se sjećam da je bio jedno vrijeme u Busovači, sada ne znam gdje se nalazi i sa nama je bio Dragan RaDOŠ? SIN ANte, koji je sada negdje u inostranstvu. Ja se samo za sebe sjećam da sam tada imao nekakvu automatsku pušku kalašnjikov, i da smo to jutro 26.ol.1993.godine, napustili Pericinu kuću negdje između 5,30 i 6 ujutro, i da smo se povukli u jedan voćnjak 100 metara iznad Pericine kuće u pravcu Brda Vranjača, i ostalih detalja se uopšte ne sjećam, osim toga, da sam jedno vrijeme nakon što smo bili zarobljeni boravio u zgradi muzičke škole u Zenici, psihički sam potpuno rastrojen, jednostavno više se ničega ne sjećam od svega što sam proživio i preživio u proteklom ratu. Sada sam potpuno rastrojena osoba i jednostavno o ovome što mi se dešavalo ne mogu da pričam, jer se najvećeg dijela tih događanja i mojih stradanja uopće ne sjećam i izjavljujem da nisam sposoban da iznosim bilo kakve podatke o onome što mi se dešavalo na taj dan, a i kasnije u toku rata.

Na upit suda, svjedok izjavljuje da ako on može bilo šta od optužbi da povuče protiv Hakanović Edina, da će on povući, jer ističe da mu on ništa nije učinio, da se pak uopšte ne sjeća da li je taj dan vidio Hakanović Edina, u zaseoku Brdo, te navodi da uopšte ne zna šta se dešavalo u ostalom dijelu sela Dusina, tačnije u zaseoku Kegelji.

Nakon toga, konstatira se da je svjedok blijed, da vrlo teško komunicira sa istražni sudijom, da mu je pogled odsutan, da se ničega ne sjeća, i da se stiče utisa, k da uopšte ne može da komunicira sa drugom osobom, nakon čega se u sudnicu uvodi njegova supruga Batinić Lidija, koja navodi da je sa Granjom u braku negdje oko 4 godine, i da je samo prvi mjesec dana imala normalan brak sa Franjom, te da se nakon toga, nešto počelo dešavati sa njenim Franjom, u smislu da se potpuno povukao u sebe, da više nema volje za život, da uopšte ne razgovara sa njom, i da se eventualno u dužem vremenskom periodu desi da je jedan ili dva dana dobro, a da u ostalom periodu uopšte ne razgovaraju, da po nekoliko dana četiri do pet dana Franjo uopšte ne izgovara ni jednu riječ i da je to za nju pakao.

Obzirom na ovakvo iznošenje podataka k od strane supruge Batinić Franje, te na njegovo psihičko stanje na današnjem ročištu konstatira se da se ne može uspostaviti nikakva komunikacija sa svjedokom pa će o eventualnom novom pozivanju svjedočka sud, naknadno odlučiti u toku ovoga postupka.

Nakon toga okrivljeni navodi da bi volio da se Franjo Batinić kao svjedok, ako se plaši da bilo šta govori da to slobodno kaže onakom kako se desilo na taj dan u selu Dusina, da je to i njemu interesu da se dodje do prave istine, da se konačno dokaže tko je odgovoran za ono što se desilo na taj dan te da uopšte da ga ne treba biti strah prave istine, o onome što se desilo u selu Dusina, te poziva svjedoka da bez ikakvog straha može da iznese ako je u mogućnosti sve ono što je vidio toga dana.

Franjo Batinić ...

3.

Nemam više što izjaviti. Zapisnik mi je glasno i razgovjetno diktiran, isti ne tražim da mi se čita, prihvatam ga kao svoj i kao takav svojeručno potpisujem.

Zapisničar,

S vjedok

Frano Botinčić

I stražni sudija

